

TANGAZO LA SERIKALI NA 674 La Tarehe 21/8/2020

SHERIA YA FEDHA ZA SERIKALI ZA MITAA

(SURA 287)

SHERIA NDOGO

(Imetungwa chini ya Kifungu cha 153)

SHERIA NDOGO ZA UFUGAJI ZA HALMASHAURI YA WILAYA YA RUNGWE ZA
MWAKA 2020

- Jina 1. Sheria Ndogo hizi zitajulikana kama Sheria Ndogo za Ufugaji za Halmashauri ya Wilaya ya Rungwe za mwaka 2020.
- Tafsiri 2. Katika Sheria Ndogo hizi isipokuwa itakapoelewa vinginevyo:-
“Halmashauri” maana yake ni Halmashauri ya Wilaya ya Rungwe;
“mfugaji” maana yake ni mtu yeyote anayejishughulisha na ufugaji wa mifugo katika eneo la Halmashauri.
“mifugo” maana yake ni wanyama wote wanaofugwa na binadamu;
“Mkurugenzi” maana yake ni Mkurugenzi Mtendaji wa Halmashauri au mtumishi yeyote aliyeteuliwa kutekeleza majukumu ya Mkurugenzi.
- Masharti kuhusu ufugaji 3.-(1) Mtu yeyote anayefuga katika eneo la Halmashauri atatakiwa kuzingatia masharti yafuatayo:
- (a) kufuga na kulisha mifugo yake katika maeneo ya malisho yaliyopangwa na Halmashauri;
 - (b) kupitisha mifugo yake katika njia zilizopangwa na kutengwa na Halmashauri;
 - (c) kuwa na kadi ya mifugo itakayoonyesha idadi na aina ya mifugo aliyonayo;
 - (d) kupeleka mifugo yake katika vituo vya chanjo kama itakavyoamriwa na Halmashauri;
 - (e) kupeleka mifugo katika majosho kama atakavyoagizwa na Halmashauri;
 - (f) kuchangia gharama za ukarabati wa majosho kama sehemu ya mchango wake, pale itakapobidi kufanya hivyo, na kwa gharama itakayopendekezwa na Halmashauri;
 - (g) kuweka alama kwenye mifugo yake na katika viungo vya mifugo vinavyopendekezwa ili kutoharibu zao la ngozi;
 - (h) kuchangia gharama za uboreshaji wa maeneo

- (i) ya malisho yaliyotengwa na Halmashauri;
 - (i) kuhudhuria mafunzo ya ufugaji kama atakavyohitajiwa na Halmashauri;
 - (j) kutokata miti kwa lengo la kufukuza mbung'o
- (2) Itakuwa ni kosa kwa mtu yeyote kufanya yafuatayo:
 - (a) kusafirisha mifugo kwa kuiswaga barabarani;
 - (b) kusafirisha au kuhamisha mifugo kutoka eneo moja hadi lingine bila kibali kutoka kwa Halmashauri;
 - (c) kuingiza mifugo katika eneo la Halmashauri bila kibali;
 - (d) kuuza au kununua mifugo katika maeneo ambayo siyo mnada, masoko au magulio ya mifugo yaliyoidhinishwa na Halmashauri;
 - (e) kufuga mifugo kwa zaidi ya idadi iliyoelekezwa na Halmashauri; au
 - (f) kuchunga, kulisha au kunywesha maji mifugo katika maeneo ambayo hayakutengwa kwa shughuli hiyo.
- (3) Mtu atakayetiwa hatiani kwa kosa lililoainishwa katika kifungu kidogo cha (2) atahukumiwa adhabu ya faini isiyozidi shilingi laki tatu au kifungo kisichozidi miezi kumi na mbili au vyote kwa pamoja.

Udhibiti wa 4.-(1) Halmashauri itakuwa na mamlaka ya kukamata mifugo mifugo inayokutwa katika maeneo yasiyoruhusiwa kuchunga, kulisha au inayozurura kunywesha mifugo.

(2) Endapo mmiliki wa mifugo iliyokamatwa kwa mujibu wa kifungu kidogo cha (1) atashindwa kulipa faini iliyoainishwa katika Jedwali la Kwanza la Sheria Ndogo hii, Halmashauri inaweza, baada ya kupata amri ya Mahakama, kuuza kwa njia ya mnada wa hadhara mifugo hiyo na fedha zitakazopatikana zitarejeshwa kwa mmiliki wa mifugo baada ya kutoa gharama za ukamataji, utunzaji wa mifugo na Mahakama.

Kufifilisha kosa 5. Mkurugenzi anaweza kufifilisha kosa endapo mtu atakiri kutenda kosa chini ya Sheria Ndogo hii kwa kumtoza kiasi cha shilingi laki moja baada ya kujaza fomu maalum iliyoambatishwa katika Jedwali la Pili la Sheria Ndogo hii.

Sheria Ndogo Za Ufugaji Za Halmashauri Ya Wilaya Ya Rungwe
Tangazo La Serikali Na. 674 (Linaendelea)

JEDWALI LA KWANZA
(Limetengenezwa chini ya kifungu cha 4(2))

SEHEMU YA KWANZA

VIWANGO VYA FAINI KWA MFUGO AU MIFUGO INAYOZURURA NDANI YA ENEO
LA HALMASHAURI YA WILAYA YA MKALAMA

Na	AINA YA MFUGO	KIWANGO CHA FAINI (TSHS)
1	NG'OMBE	5000/= kwa kila n'gombe
2	MBUZI	3000/= kwa kila mbuzi
3	KONDOO	3000/= kwa kila kondoo

SEHEMU YA PILI

VIWANGO VYA FAINI KWA MFUGO AU MIFUGO INAYOLISHWA AU KUNYWESHA
KATIKA SEHEMU ZISIZORUHUSIWA

Na	AINA YA MFUGO	KIWANGO CHA FAINI (TSHS)
1	NG'OMBE	5000/= kwa kila n'gombe
2	MBUZI	3000/= kwa kila mbuzi
3	KONDOO	3000/= kwa kila kondoo

SEHEMU YA TATU

VIWANGO VYA FAINI KWA MFUGO AU MIFUGO KUINGIA KATIKA ENEO LA
HALMASHAURI BILA KIBALI

Na	AINA YA MFUGO	KIWANGO CHA FAINI (TSHS)
1	NG'OMBE	5000/= kwa kila n'gombe
2	MBUZI	3000/= kwa kila mbuzi
3	KONDOO	3000/= kwa kila kondoo

JEDWALI LA PILI

(Limetengenezwa chini ya kifungu cha 5)

HATI YA KUFIFILISHA KOSA

Mimi nakiri KWA HIARI YANGU MWENYEW
mbele ya..... ambaye ni Mkurugenzi wa Halmashauri ya Wilaya
ya Rungwe kwamba tareheya Mwezi Mwaka..... nilitenda kosa la
kukiuka masharti ya kifungu cha cha Sheria Ndogo ya Ufugaji ya Halmashauri ya Wilaya
ya Rungwe ya Mwaka 2020.

Kwa mamlaka aliyopewa Mkurugenzi wa Halmashauri niko tayari kulipa kiasi cha shilingi
.....na kutimiza wajibu wangu badala ya kushtakiwa Mahakamani.

NATHIBITISHA KWAMBA MAELEZO HAPO JUU NI YA KWELI NA NIMEYATOA KWA
HIARI YANGU KADRI YA UFAHAMU WANGU

Leo tareheya MweziMwaka

Jina:

Saini:

Mbele ya:

Jina.....

Cheo:

Saini:

Tarehe:

Nembo ya Halmashauri ya Wilaya ya Rungwe imebandikwa kwenye Sheria Ndogo hii kufuatia Azimio la Mkutano Mkuu wa Halmashauri ya Wilaya ya Rungwe uliofanyika tarehe mwezi..... 2019 katika ukumbi wa mikutano wa Halmashauri ya Wilaya ya Rungwe.
Mbele ya Wafuatao:-

MHE. EZEKIEL M. MWAKOTA
Mwenyekiti (W)
Halmashauri Wilaya ya Rungwe

BI. LOEMA I. PETER
Mkurugenzi Mtendaji (W)
Halmashauri ya Wilaya ya
Rungwe



NAKUBALI

Dodoma
5th August, 2020

MHE. SELEMAN SAID JAFO
Waziri wa Nchi, Ofisi ya Rais
Tawala za Mikoa na Serikali
Za Mitaa
(TAMISEMI)